



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 1 22 0000444389



03/05/2022

შპს - კავკასიის უნივერსიტეტის და ფერლი დიკინსონის უნივერსიტეტის „მასპინძლობის მენეჯმენტის“ ინგლისურენოვანი ერთობლივი საბაკალავრო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის 3¹ პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის 3¹ პუნქტისა და აკრედიტაციის დებულების 27⁶ მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. აკრედიტაციის დებულების 27⁵მე-7¹პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. შპს კავკასიის უნივერსიტეტმა სსიპ - განათლების ხარისხის განვითარების ეროვნულ ცენტრში (შემდგომში - ცენტრი) წარმოადგინა №1332469 08.12.2021 სააკრედიტაციო განაცხადი „მასპინძლობის მენეჯმენტის“ ინგლისურენოვან საბაკალავრო საგანმანათლებლო პროგრამაზე.

2.2. ცენტრის დირექტორის 2021 წლის 28 დეკემბრის №1424746 საფუძველზე, შპს კავკასიის უნივერსიტეტი ცნობილ იქნა აკრედიტაციის მაძიებლად. ცენტრის დირექტორის 2022 წლის 25 იანვრის N138127 ბრძანებით შეიქმნა ექსპერტთა ჯგუფი, რომელმაც 2022 წლის 28 თებერვალს და 1 მარტს განახორციელა სააკრედიტაციო ვიზიტი შპს კავკასიის უნივერსიტეტში, ხოლო 2022 წლის 07 აპრილს წარმოადგინა აკრედიტაციის ექსპერტთა დასკვნა, რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა	√			
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა		√		
3. სტუდენტთა მიღწევები, მათთან ინდივიდუალური მუშაობა	√			
4. სწავლების რესურსებით უზრუნველყოფა	√			
5. სწავლების ხარისხის განვითარების შესაძლებლობები	√			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2022 წლის 15 აპრილს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, აკრედიტაციის საბჭომ ნაწილობრივ გაიზიარა ექსპერტთა მიერ საგანმანათლებლო პროგრამის შეფასება, კერძოდ 2.2 კომპონენტის შეფასება, ნაცვლად “ნაწილობრივ შესაბამისობაშია მოთხოვნებთან” განსაზღვრა, როგორც “მეტწილად შესაბამისობასია მოთხოვნებთან”, 2,3 კომპონენტის შეფასება ნაცვლად “მეტწილად შესაბამისია მოთხოვნებთან” განსაზღვრა, როგორც “შესაბამისია მოთხოვნებთან”. შესაბამისად შეიცვალა მე-2 სტანდარტის შეფასება და ნაცვლად “მეტწილად შესაბამისია მოთხოვნებთან” განისაზღვრა, როგორც “შესაბამისია მოთხოვნებთან”.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-3¹ პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, 3¹ პუნქტის, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტის და მე-5 პუნქტის, 27⁶ მუხლის პირველი პუნქტის „ა“ ქვეპუნქტის, 33-ე მუხლის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის N223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 11 ხმით არცერთის წინააღმდეგ,

გადაწყვეტა:

1. დაკმაყოფილდეს შპს კავკასიის უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ შპს - კავკასიის უნივერსიტეტის და ფერლი დიკინსონის უნივერსიტეტის „მასპინძლობის მენეჯმენტის“ ინგლისურენოვან ერთობლივ საბაკალავრო საგანმანათლებლო პროგრამას 4 წლის ვადით მიენიჭოს აკრედიტაცია.
2. ცნობილ იქნას აკრედიტაციის ექსპერტთა ჯგუფის დასკვნა „მასპინძლობის მენეჯმენტის“ ინგლისურენოვანი ერთობლივ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2022 წლის 03 მაისის №443804 სხდომის ოქმის № 3 ნაწილი ამ გადაწყვეტილების განუყოფელ ნაწილად (დანართი №3).
4. საბჭომ ნაწილობრივ გაიზიარა ექსპერტთა ჯგუფის შეფასება. რეკომენდაციები და რჩევები ჩამოაყალიბდა შემდეგი რედაქტირებით:

რეკომენდაცია:

1. ამ კურსების (კვლევის თვისებრივი და რაოდენობრივი მეთოდები, განთავსების ოპერაციები და შემოსავლების მენეჯმენტი, ფინანსური აღრიცხვა) სირთულის გათვალისწინებით, ექსპერტთა ჯგუფი რეკომენდაციას უწევს კურსების თანმიმდევრობის გადახედვას და სასწავლო პროგრამაში უფრო მოწესრიგებულად განაწილებას.

რჩევები:

- განახლდეს სასწავლო პროგრამაში კონკრეტული კურსების (როგორცაა შესავალი ტურიზმის მენეჯმენტში, ტურიზმის მარკეტინგი და საერთაშორისო ბაზრები) წინაპირობები;
- სადაც ეს შესაძლებელია, რეკომენდებულია ხელახალი შეფასება იმ კურსების გამარტივებისთვის ან გაერთიანებისთვის, რომლებშიც მნიშვნელოვანი შინაარსის გადაფარვაა, მაგალითად, კურსებში - შესავალი ტურიზმში და შესავალი ტურიზმის მენეჯმენტში. სასწავლო გეგმაში, ტურიზმის ძირითად სფეროში ECTS კრედიტების რაოდენობის შემცირებით, პროგრამაში შეიძლება დაემატოს ტურიზმის მეტი არჩევითი კურსი, რომლებიც ფოკუსირებული იქნება ინდუსტრიის ისეთ სფეროებზე, როგორცაა აგროტურიზმი ან სპორტული ტურიზმი. სტუდენტებისთვის მეტი არჩევანი ხელს შეუწყობს მათი უნარების განვითარებას პრაქტიკული და თეორიული პერსპექტივიდან, რაც თავის მხრივ გააძლიერებს სტუდენტების კონკურენტუნარიანობას შრომის ეროვნულ და საერთაშორისო ბაზარზე;
- საჭიროა დამსაქმებლების მეტი ჩართულობა პროგრამის შემუშავების პროცესში;
- სავალდებულო კომპონენტი, პრაქტიკა სასტუმროში, უნდა განახლდეს, რათა მოიცავდეს ტურიზმის სექტორის ორგანიზაციების ფართო სპექტრს. ეს უნდა მოიცავდეს როგორც კურსის სათაურის ცვლილებას, ასევე ECTS კრედიტების ზრდას;
- განახლდეს პროგრამის სავალდებულო ლიტერატურა და უზრუნველყოფილ იქნეს, რომ გამოყენებული იქნება წიგნების ახალი გამოცემები და ინფორმაცია, რათა სტუდენტებმა მიიღონ უახლესი მასალები და ეფექტურად მიაღწიონ პროგრამის სწავლის შედეგებს;
- სასურველია პროგრამის ხელმძღვანელები უფრო ხშირად ხვდებოდნენ ინდუსტრიის წარმომადგენლებს როგორც აშშ-ში, ასევე საქართველოში, რათა მიიღონ უკუკავშირი სტუდენტებისთვის შესაფერისი სტაჟირების ტიპებზე. ეს სტაჟირება სტუდენტებს ხელს შეუწყობს კლასში ნასწავლი თეორიის გამოყენებაში და ერთობლივი ხარისხისთვის საჭირო პრაქტიკული საათების რაოდენობის განსაზღვრაში;
- მიზანშეწონილია შემცირდეს ECTS კრედიტების რაოდენობა კურსებში „აკადემიური წერა 1“ და „აკადემიური წერა 2“, რათა ადგილი დარჩეს ტურიზმთან დაკავშირებული დამატებითი კურსებისთვის ან პრაქტიკული კომპონენტებისთვის;
- გაგრძელდეს და გაძლიერდეს ძალისხმევა ინდუსტრიის წარმომადგენლებთან და ტურიზმთან დაკავშირებულ სხვა დაინტერესებულ მხარეებთან კავშირის განვითარებისთვის;
- პროგრამის მომავალი განვითარებისთვის რეკომენდებულია, რომ მეტი სილაბუსი შეიცავდეს აკადემიურ კალენდარს დაგეგმილი აქტივობებით და დავალებების შესრულების ვადებით. სტუდენტებს გაუადვილდებათ დავალებების დროულად შესრულება. ეს სტუდენტებს უკეთეს წარმოდგენას შეუქმნის იმის შესახებ, თუ რა არის საჭირო წარმატების მისაღწევად;
- საჭიროა სილაბუსების განხილვა. შუალედური და დასკვნითი გამოცდების შესაბამისი ქულების დაგროვების წინაპირობები ზოგიერთ კურსზე განსხვავებულია (აკადემიური წერა-1; აკადემიური წერა-2);
- მართალია, სტუდენტები იღებენ სათანადო კონსულტაციებს და მხარდაჭერას, თუმცა პროგრამის სამომავლო განვითარების მიზნით, ერთობლივი პროგრამისთვის სასურველია დაინიშნოს მენეჯერი, ასისტენტი ან სტუდენტი ოფიცერი;
- გამგზავრებამდე, სტუდენტებისთვის საჭიროა დამატებითი კონსულტაცია და მხარდაჭერა იმ სემესტრთან დაკავშირებით, რომელიც უნდა ისწავლონ ფერლი დიკინსონის უნივერსიტეტს კამპუსში;

- დახმარება გაეწიოს სტუდენტებს ვიზის ან სასწავლო ნებართვის მოპოვებაში, რათა ჩავიდნენ და ისწავლონ ამერიკის შეერთებულ შტატებში, ასევე აშშ-ში სამოგზაუროდ და სასწავლებლად საჭირო სხვა დოკუმენტების მიღებაში;
- მომგებიანი იქნება, თუკი უზრუნველყოფილი იქნება აკადემიური პერსონალის მობილობა ორივე უნივერსიტეტს შორის, ჭეშმარიტი ორმხრივობის უზრუნველყოფის მიზნით;
- ორივე დაწესებულებისთვის ხელსაყრელი იქნება, თუ იფიქრებენ შეფასებისა და ადმინისტრირების ცენტრალიზებულ სისტემაზე, შეიმუშავენ ელექტრონულ პლატფორმას საერთო ხარისხის უზრუნველყოფის შეფასებისა და მონიტორინგისთვის;
- ორივე დაწესებულების აკადემიური და მოწვეული პერსონალისთვის ოფიციალური და/ან არაფორმალური შეხვედრების ორგანიზება, გამოცდილების, უნარებისა და ცოდნის გაზიარების მიზნით პლატფორმის შესაქმნელად, ხელს შეუწყობდა პროგრამის შემდგომ განვითარებას.


5. საბჭოს აღნიშნული გადაწყვეტილება ძალაში შევიდეს 2022 წლის 15 აპრილს.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 241 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



საგანმანათლებლო პროგრამების აკრედიტაციის საბჭო
საბჭოს მდივანი
ტეფნაძე დავით



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	მასპინძლობის მენეჯმენტის ერთობლივი პროგრამა Hospitality Management (Joint)
2	ერთობლივი უმაღლესი საგანმანათლებლო პროგრამა	1. შპს კავკასიის უნივერსიტეტი 2. ფერლი დიკინსონის უნივერსიტეტი (აშშ)
3	სტატუსი	ახალი
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	-
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	-
6	უმაღლესი განათლების საფეხური	ბაკალავრიატი
7	დაშვების წინაპირობები	-
8	კვალიფიკაციის დონე	VI
9	კვალიფიკაციის დასახელება	1. შპს კავკასიის უნივერსიტეტი - ტურიზმის ბაკალავრი / Bachelor of Tourism 2. ფერლი დიკინსონის უნივერსიტეტი -რიზმიტარული მეცნიერებების ბაკალავრი მასპინძლობასა და ინოვაციურ და მაღალხარისხიან ტურიზმში / Bachelor of Arts in Hospitality & Tourism Innovation and Excellence
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	1015 მოგზაურობა, ტურიზმი და დასვენება / 1015 Travel, tourism and leisure
12	სწავლების ენა	ინგლისური
13	ECTS კრედიტების ჯამური რაოდენობა	200
14	განხორციელების ადგილი	1. შპს კავკასიის უნივერსიტეტი - პაატა

		საკაპის ქ. N1, თბილისი, 0102, საქართველო 2. ფერლი დიკინსონის უნივერსიტეტი - 1000 River Road 1 Paata Saakadze Street and Teaneck, New Jersey 07666, USA
15	მსჯავრდებულ აბიტურიენტთა საგანმანათლებლო პროგრამაზე სწავლა - სწავლების უფლებამოსილება	-
16	ამ გადაწყვეტილების ძალაში შესვლის თარიღი	15.04.2022
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	-
18	აკრედიტაციის ვადის გასვლის თარიღი	15.04.2026